



Bošnjačko nacionalno vijeće, na osnovu člana 10. Zakona o nacionalnim savjetima nacionalnih manjina i člana 16. Statuta bošnjačkog nacionalnog vijeća, raspisuje

K O N K U R S
ZA IZRADU IDEJNOG URBANISTIČKO-ARHITEKTONSKOG RJEŠENJA
ZA IZGRADNJU
MEMORIJALNOG CENTRA „HADŽET“ U NOVOM PAZARU

A) OPŠTE NAPOMENE

1. Cilj konkursa je izrada najkvalitetnijeg idejnog urbanističko-arhitektonskog rješenja za izgradnju spomen obilježja nevinim žrtvama poslijeratne represije koji su ubijeni na mjestu „Hadžet“ u Novom Pazaru u periodu od 1944. do 1946. godine;
2. Kriteriji za vrednovanje i rangiranje radova obuhvatit će odnos rješenja prema posebnim i općim uslovima koji su postavljeni ovim konkursom;
1. Konkursni materijal se može preuzeti na internet stranici Bošnjačkog nacionalnog vijeća www.bnv.org.rs. (konkursni materijal sadrži i situacionu geodetsku podlogu sa visinskom predstavom u digitalnoj formi);
3. Rok za predaju radova je 30 dana od dana objavljivanja ovog poziva na internet stranici Bošnjačkog nacionalnog vijeća do 15.00 sati. Sve ponude koje stignu nakon isteka ovog roka, smatrat će se neblagovremenim. Radovi se mogu dostaviti poštom ili lično na adresu: Glavni ured Bošnjačkog nacionalnog vijeća u Novom Pazaru, ul. 28. novembra bb.;
4. Razmatranje, vrednovanje i izbor najboljih radova obaviti će stručna tročlana komisija, imenovana od strane Izvršnog odbora Vijeća;
5. Odluku o izboru najboljih idejnih rješenja i dodjeli nagrade komisija će donijeti u roku od 15 dana od dana pregleda radova i dostaviti će je svim učesnicima konkursa u roku od 3 dana od dana donošenja odluke.

B) OPŠTI USLOVI ZA IZRADU IDEJNOG RJEŠENJA SPOMEN OBILJEŽJA „HADŽET“ U NOVOM PAZARU

1. autorski rad treba da na umjetnički način korištenjem savremenog stvaralačkog jezika izražava društvenu osudu ubijanja nevinih lica i na nedvosmislen način podstiče sjećanje na građane koji su ubijeni na mjestu „Hadžet“;
2. idejno rješenje mora biti originalno i u duhu lokalne tradicije;
3. idejno rješenje mora na dostojanstven način omogućiti da se sazna istina o stradanju nevinih žrtava;
4. idejno rješenje treba da simbolizira stradanje svih civilnih žrtava Bošnjaka od 1912. do 1995.;
5. idejno rješenje mora sadržati i prostor na kome će se moći slovima ispisati poruka od maksimalno 50 riječi, koja će se odnositi na podatke o stradanju nevinih žrtava;

6. idejno rješenje mora biti racionalno i predstavljati osnov za izradu glavnog projekta i izvođenje radova;
7. položaj i orijentaciju spomen obilježja određuje autor, a pritom treba voditi računa o najboljoj vidljivosti spomen obilježja i mogućnosti pristupa više ljudi do spomen obilježja.

C) POSEBNI USLOVI ZA IZRADU IDEJNOG RJEŠENJA SPOMEN OBILJEŽJA „HADŽET“ U NOVOM PAZARU

crteži kojima se predstavlja idejno rješenje spomen obilježja „Hadžet“, trebaju biti rađeni u crno-bijeloj tehnici ili u boji (po izboru autora);

1. tehnika izrade idejnog rješenja, može biti rađena na računaru ili rađena ručno (na listu 50x70cm) kao i prezentacija perspektivnih prikaza spomen obilježja sa bližom okolinom;
2. tehnički opis idejnog rješenja spomen obilježja, primjene materijala, dimenzija konstrukcije, osvjetljenja, instalacija i sl. treba da bude dostavljen na posebnom listu formata A4 štampan;
3. radovi moraju biti obilježeni šifrom na svakom listu prijedloga;
4. rad predati u zatvorenoj koverti obilježenoj odabranom šifrom rada;
5. učesnik konkursa će dostaviti podatke o sebi i to: ime i prezime, zanimanje, adresa, e-mail, telefon u posebnoj koverti sa naznakom; Bošnjačko nacionalno vijeće, ZA KONKURSNU KOMISIJU «NE OTVARATI», tako da na koverti bude ista šifra kao u koverti u kojoj se predaje rad.

D) USLOVI JAVNOG KONKURSA

1. svaki učesnik konkursa može učestvovati sa više radova, ali svaki rad mora biti opremljen kao posebna pošiljka sa sopstvenom šifrom;
2. svaki učesnik u konkursu dostavom svog rada prihvata sve uslove ovog konkursa;
3. raspisivač konkursa dodijelit će nagrade za prvo, drugo i treće mjesto, kao i otkupnu nagradu;
4. raspisivač konkursa nije obavezan da dodijeli nagradu ili otkup bilo kom učesniku konkursa ukoliko zaključi da ni jedan rad ne zadovoljava očekivanja i kriterij raspisivača;
5. komisija ima pravo da od autora čiji rad bude kvalifikovan za prijedlog konačnog rješenja traži doradu ili izmjene pojedinih dijelova projekta, detalja i sl. što je autor obavezan da prihvati, osim u slučaju da izmjena mijenja karakter njegovog prijedloga;
6. autor čiji rad bude nagrađen, saglasan je sa prenosom svih autorskih prava i potraživanja po osnovu svog rada osim moralnih na Bošnjačko nacionalno vijeće;
7. članovi komisije za utvrđivanje najprihvatljivijeg i najboljeg idejnog rješenja, ne mogu učestvovati na konkursu kao predlagači konkursnih rješenja;
8. isplatom predviđenih nagrada autorima, završavaju se uzajamne obaveze po odredbama ovog konkursa;
9. svi pristigli radovi po raspisanom javnom konkursu bit će javnosti prezentirani 21. januara 2014. godine.

Novi Pazar,
28.11.2013.

Predsjednik BNV-a
Esad Džudžević, dipl. sociolog

